



UNIVERSITÄTS-
BIBLIOTHEK
PADERBORN

Stavrologia Coloniensis

Gelenius, Aegidius

[Coloniae Agrippinae?], [ca. 1636]

XI. † Ad Gradvs B. M. Virginis.

[urn:nbn:de:hbz:466:1-64564](https://nbn-resolving.org/urn:nbn:de:hbz:466:1-64564)

in Ecclesia S. Seuerini, aliud in insigni
 Diui Andreae Collegio, duo denique
 in S. Cuniberti Basilica, quorum alterum
 ex illis Dominici Ligni reliquiis, quas
 Dominicani Religiosi habent, à B. Al-
 berto Bauaro, cognomento Magno Ra-
 tisbonensi Episcopo resectum est, qui
 illud ipsum à B. Ludouico Rege Gallia-
 rum dono acceperat, veritate eius (vt *Veritas*
 traditur) experimento ignis probata. *Crucis*
 Vnde B. Ludouicus acceperit, Schultin- *igne pro*
 gius insinuat: *Baldwinus*, inquit, *Impe-*
rator Dominicae Crucis partem cum Spongia &
Lancea ferro Venetis pignori obligat, quae postea
Diuus Ludouicus potestate redimendi accepta,
in Regio sacello Lutetia condidit, institutis ibi
sacrorum ministris. Ex Genebrardo lib. 4.
Chronographiae, & Gagnæo lib. 7. &c.

XI. ✝

AD GRADVS B. M.

Virginis.

Ecclesia B. M. Virginis ad Gradus *Veritas*
 Dominicae Crucis Lignum habet, *Crucis*
 quod quidem (vt refert Sacrarium A- *iudicio*
 grippinense pag. 73.) per ignem tertio *gnis.*

B 3

à B.

à B. Annone fuit examinatum. De eodem hæc in vita B. Annonis annis abhinc quingentis conscripta lib. 1. cap. 30 asseruntur: *Quod cum Epistolis Legatos suos (S. Anno) ad Græcie Regem direxerit, qui reuersi Dominici Ligni partem non modicam, aliâq; Regalium donorum insignia, Rege transmittente, ipsi præsentarunt. Eiusdem ad 26. Octob. meminit Vluardus msc. Colonia auctus: Septimo, inquit, Kalendas Nouembris, Colonia in Ecclesia S. Mariae ad Gradus, festum aduentus S. Crucis Christi: quæ eadem ad illum diem Canisius in suo Martyrologio.*

XII. XIII. ✠

B. ALBERTI MAGNI
apud PP. Dominicanos.

*Veritas
Crucis
iudicio
ignis.*

IN PP. Dominicanorum sacratissima Crucis Ecclesia similis S. Crucis particula custoditur, quam (vt dixi) dono S. Ludouici Regis Gallorum datam, beatissimus Ratisbonensium Episcopus Albertus Magnus è collo gestauit, postquam igne eius explorasset veritatem, vt testatur quoque Agrippinense
Sacra-